



"بغيت قرناهن كسوجين اسلام"

الْحَمْدُ لِلَّهِ الْقَائِلِ: إِنَّ الَّذِينَ يُؤْذُونَ اللَّهَ وَرَسُولَهُ
لَعَنَهُمُ اللَّهُ فِي الدُّنْيَا وَالْآخِرَةِ وَأَعَدَّ لَهُمْ عَذَابًا مُهِينًا.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ
وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ
وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ
وَأَصْحَابِهِ أَجْمَعِينَ.

أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أَوْصِيكُمْ
وَأَيَّيَ بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ تَعَالَى:
يَأَيُّهَا الَّذِينَ ءَامَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا
وَأَنْتُمْ مُسْلِمُونَ.



سید غ جمعة یغ درحمی اللہ،

سای برقسن کقد دیری سای دان میرو
کقد سید غ جمعة یغ دکاسیھی سکالین، ماریلہ
کیت سنتیاس برتقوی کقد اللہ سبحانہ وتعالی
دغن ملقساناکن سکالا قرینتھن دان منجاءوھی
سکالا لارغثن. سسوغکوهن اورغ یغ قالیغ
مولیا دسیسی اللہ سبحانہ وتعالی ایالہ اورغ یغ
قالیغ برتقوی.

تاجوق خطبة قد هاری این ادالہ "بغکیت
قرتاهن کسوجین اسلام".

سید غ جمعة یغ درحمی اللہ،

براف میغکو یغ لالو، مشارکت اسلام
دملیسیا دکجوتکن لاکھی دغن قپیارن فیلم



(filem) یغ مؑھینا رسول اللہ ﷺ، یغ سکالیکوس مؑھینا اسلام. لنترن ایت منبر توروت ترؑؑکیل اونتوق ممبیچاراکن ایسو ممؑرتاھن کسوچین اسلام قد خطبہ کالی این سباکای میپاتاکن راس مارہ، تیدق قواس ہاتی دان ترکیلن ترہادق قنریت دان نکارا یغ دغن سغاج منریتکن فیلم (filem) یغ مؑھینا رسول اللہ ﷺ. سسوغکوهن سوده ترلالو باپق تولیسن ۲ یغ مؑھینا اسلام یغ دسیارکن.

انتارا قؑھیناءن ترسبوت ایالہ قنولیسن بوکو فرسی شیطان اولیہ سلمان رشدی، ۱۹۸۹، تسلیمہ نسرین، ورك بؑلادیش (Bangladesh) قد تاهون ۱۹۹۰ دان لامن ویب یغ موچول قد تاهون ۲۰۱۱. لامن ویب این تلہ ملتقن کامبر قرمقوان برچولی دان برسلووار دالم سرتا



دایکوتی کامبر بابی دان برباگای لاکھی اوبجیک
جیجیق دان دلتق داتس کعبه.

نمقش سیری تبارو قعہیناءن ترہادف
رسول اللہ ﷺ دان اسلام مالوئی فیلم
Innocence of Muslims (مسلم یغ تیدق بردوسا)،
یغ انتاراش مفاقرکن واتق، کونونش رسول اللہ
ﷺ کیلا سیکس. دسان سینی کدغرن سوارا
بنتھن درقد ایندیویدو۲، فرتوبوہن۲ بوکن
کراجاءن، فرتی۲ قولیتیک دان مشارکت عوام
ترہادف قیہق یغ ممبوات فیلم جاہت
ترسبوت. مریک منونتوت سوفا یا فربیتش اتاو
نکارا یغ ممبرکن فربیت فیلم ترسبوت موهون
معاف کقد مشارکت اسلام سلوروهن. ماہن
یغ لبیہ ممبغکاکن لاکھی قیہق بوکن اسلام جوک
توروت معجم قمبیکینن فیلم ترسبوت یغ امت



تیدق برتغکو غجواب کران ایاش تله موجود کن
قراساءن کبنچین دکالغن قلبا کای اکام.

ایکورن دریش مک اومت اسلام دسرات
دنیا ترماسوق دملیسیا تله برتیندق منظاهیر کن
امرهنش دغن ممبوات دیمونستراسی بسر-بسر ن.
اومت اسلام میمغ فیکا دان سینسیتیف
(sensitif)، برتیندق ممقرتاهنکن اکام دان رسولش
دری تروس دهینا اتاو دقرمائیکن. اومت
اسلام تیدق اکن برکومقرومی کأتس مان ۲
قیهق یغ چوبا مغهینا اسلام دغن اف جوا
چارا.

اومت اسلام هندقله ممقویائی دای
سینسیتیویتی یغ تیغکی ترهادف اف جوا اوسها
اولیه مان ۲ قیهق یغ برنیة جاهت یغ چوبا
مغهینا دان ممقرسندا اسلام دان رسولش سچارا



تربو کا. قرلو دتکسکن بهاوا ستیاف اومت
إسلام مستي ممیلیکی فراساءن، کقدولین،
کفیکاءن دان مجاهدة یغ منتف، قوات، کنتل
دان سماغت جهاد یغ تیغکی سهیغک سغکوف
برتیندق بیلا ۲ سهاج بانکی ممقرتاهن اسلام
درقد تروس دهینا اتاو دچابر اولیه سسیاقا
سهاج.

سیدغ جمعة یغ درحمتی الله،

دسینیه قنتیغش ستیاف ایندیویدو مسلم،
۲NGO اسلام، قرتی ۲ قولیتیک، جباتن دان
اکینسی یغ منجاک قغوروسن حال احوال اسلام
ترماسوق کراجاءن قرلو ممقوپاءئی تصور اسلام
یغ جلس، هالوس دان تلیتی دان سقاتوتش تمقیل
سچارا برساتو دان برسفاکت ممبنته ترهادق
قیهق یغ ملاکوکن قغهیناءن کأتس اسلام دان



رسول p قد ماس یغ سام سموا قیہق جوک
کنا سدر دان برتغکوغجواب سوقایا داقت
مغاول ستیاف ککیاتن یغ دجالنکن سام اد
اتس نام سنی، کبیسن برکریا، کبیسن
برسوارا، کبیسن برقنداقت دان سباکایش یغ
میمغ دبرکن تتای هندقله براساسکن
تغکوغجواب دسمغیغ تیدق ممقرماءینکن
کهرمونین کھیدوقن براکام. سواسان این
هندقله دفهمی دان دجاک، کران اسلام جوک
تیدق ممبرکن مغهینا اکام لاءین سچارا تربو کا.

اولیہ ایت، سبارغ تیندقن اونتوق
منیمبولکن کبنچین اولیہ مان قیہق مروقاکن
تیندقن یغ تیدق برتمدون، موندور دان اکن
منجادیکن کھیدوقن تیدق امان. تیندقن این
سودہ قستی اکن موجودکن کسن نیکاتیف یغ
برتروسن کران اداث تیندق بالس دری قیہق یغ



تیدق برقواس ہاتی کران کفرچایان مریک تله
دھینا. سسوٹگوھن قنچابولن اتاو قعھینان
ترھادف مان ۲ اکام ترماسوق اسلام، بوکنله
لمبغ کبیسن سبئر. ای ہاپالہ کبیسن یغ تیدق
برتگوٹجواب کران مٹوندغ کماراھن دان
باکل میوسهکن باپق فیھق کران ریاکسی دان
تیندق بالس یغ اکن تیمبول، سقرتی یغ
ترجادی سکارغ.

فرمان الله سبحانه وتعالى دالم سورة الأنعام

ایة ۱۰۸؛

وَلَا تَسُبُّوا الَّذِينَ يَدْعُونَ مِنْ دُونِ اللَّهِ فَيَسُبُّوا اللَّهَ
عَدْوًا بِغَيْرِ عِلْمٍ ۗ كَذَلِكَ زَيْنًا لِكُلِّ أُمَّةٍ عَمَلُهُمْ ثُمَّ إِلَىٰ رَبِّهِمْ
مَرْجِعُهُمْ فَيُنَبِّئُهُمْ بِمَا كَانُوا يَعْمَلُونَ ﴿۱۰۸﴾



"دان جاغنه کامو منچرچا بند۲ یغ مریک
سمبه یغ لاین درقد الله، کران مریک کلک،
اکن منچرچا الله سچارا ملمقاوی باتس کران
تیاد فغتهاهوان (مغنائی الله). دمکینله کامی
مقرایلوقکن قد قندغن تیاف۲ اومت اکن عمل
قربواتن مریک، کمودین کقد توهن مریکاله
تمقت کمبالی مریک، لالو دی ممبریتاهو کقد
مریک اف یغ مریک تله لا کوکن".

سیدغ جمعة یغ درحمتی الله،

منبر قد هاری این ایغین میرو اومت اسلام
سوقایا سنتیاس برمحاسبه دان میدری بهاوا
سسواتو قرلو دلا کوکن، انتاران؛

1. سموا فیهق یغ ممقوپائی بیدغ کواس دالم
مغاول، میکت دان مغهالغ سکالا بنتوق
معلومت یغ مغهینا اسلام دان رسولن



هندقله برتیندق دغن قانتس اکر ایاں تیدق
داقت دتونونی عموم ملالوئی اف جوا
سالورن میدیا.

2. کیت قرلو برساتو مپاتاکن بنتهن کآتس
قنربیت دان نکارا یغ ممبرکن دعایة
قغھیناءن ترھادق اسلام دان رسولش. بنتهن
این هندقله دلاکوکن سچارا برتروسن
ھیغک کسموا قریغکت.

3. قیھق ویسما قوترا هندقله ممبوات نوتا بنتهن
ترھادق نکارا یغ تربایت اکر برھاتی-ھاتی
دماس اکن داتغ سوقایا تیدق لاکھی
مغلوارکن باھن یغ بولیہ مغلھینا اسلام.

4. تروس ممبویکوت (memboikot) قمبلین اتاو
قغکونائے ترھادق بارغن کلوارن نکارا یغ
ممبرکن قنربیت باھن یغ مغلھینا اسلام،



کیت مولا کن دغن یغ موده دهولو دغن
تیدق ممبلی بارغن یغ دکونا سلالو دان
مغالیهکنش دغن ممبلی بارغن تمقن.

قد ماس یغ سام، سموا قیهق یغ ترلیت دغن
قغوروسن حال احوال اسلام دملیسیا هندقله
برساتو ممقرتیغکت دان ممقرکمس اوروس تدبیر
خصوصن دالم بیدغ کاولن میدیا سوقایا داقت
برتیندق دغن لبیه چقت دان قانتس کأره مئکغ
عنصور ترسبوت. کیت برتیندق سچارا قرو-
اکتیف یاءیت سنتیاس منچاری معلومت یغ
مغھینا اسلام دان تروس برتیندق کأتسن اکر
تیدق دسیبار کن دغن ملواس.

دسمقیغ ایت، اومت اسلام هندقله اِستقامة
دغن اوسها منچکھ کمکرن، بوکن سقدر
کلیهتن برسماغت بر دیمونسراسی قد وقتو ممبنته
فیلم یغ مغھینا اسلام تتاقي قد ماس یغ سام قولاً



تیدق یقین دغن قلقساناءن شریعة اسلام یغ
شمول. کأداءن این تنتوله برلاونن دان ماهن
بولیه مروسق عقیده.

این اداله ساتو کپاتاءن یغ داقت دلیهت
دمان ماسیه اد اورغ اسلام سندیری یغ
مغلوارکن کپاتاءن یغ مراکوءی کسمقورناءن
إسلام. ترلیه مالغ لاکئی اقایلا قیهق یغ
برتغکوغجواب دان ممقوپاءئی کواس مغاول
فینومینا این تیدق ممبوات سبارغ تیندقن باکی
ممقربتول کأداءن. ایاش کلیهتن سألوه-اوله مریک
توروت ممبئر دان مرستوءئی برلاکوٹ کأداءن
این.

تراخیر، اومت اسلام کنا ممباپقکن دعاء
ستله قلباکائی اوسها تادی دلاکوکن دغن
برسوغکوه-سوغکوه کران الله سبحانه وتعالی
بولیه ملاکوکن اف سهاج دباوه ککواساءنش



اونتوق مغاتسي فواق اتاو قيهق یغ جاہت
ترسبوت، دغن شرط اومت اسلام بنر۲
منطاعتي سکالا قرینته دان منجاءوهي سکالا
لارغنش.

سید غ جمعة یغ درحمتي الله،

کسیمقولنش، میمغ اومت اسلام تیدق اکن
برتولق انسور دغن مان۲ قيهق یغ سغاج مغهینا
إسلام دغن اف جوا چارا. جادي، اومت
إسلام مستي سنتیاس ملاکوکن اوسها ممبری
نصیحت، منکور دان ممقربتول سکالا کساهن
یغ دلاکوکن اولیه قيهق۲ ترنتو یغ سغاج ماهو
مغهینا اسلام. کیت تیدق بولیه ممبیارکن
کجاهیلن، کبودوهن، کبیلن دان کمنکرن
سأومقاما این برتروسن. اقاتهلاکني جک ایاث
دبوات دغن میپاتاکن فکتا یغ تیدق بتول،



تودوہن لیار، فتنہ دان ملاہیر کن راس کبنچین
یغ تیغکی ترہادف اسلام.

سسوغکوهن اومت اسلام ممقوپای قرانن
بسر دالم ارینا دعوة کأره مندیق، ممیمیغ
دان ممیقین اومت، دغن قندکتن یغ بیجقسان
دان برحکمة. اوسهاکنله ککیاتن ممبوات دان
مپیارکن باهن ۲، ترماسوق فیلم، ویدیو،
انیماسی، ارتیکل، رنچان یغ بولیہ منغکیس اف
سہاج سرغن ترہادف اسلام دسمقیغ ایان
داقت ممبریکن معلومت یغ بنر معنائی اسلام.

أَعُوذُ بِاللَّهِ مِنَ الشَّيْطَانِ الرَّجِيمِ

وَمِنْهُمْ الَّذِينَ يُؤْذُونَ النَّبِيَّ وَيَقُولُونَ هُوَ أذنٌ قُلْ
أذنٌ خَيْرٌ لَّكُمْ يُؤْمِنُ بِاللَّهِ وَيُؤْمِنُ لِلْمُؤْمِنِينَ وَرَحْمَةٌ



لِّلَّذِينَ ءَامَنُوا مِنكُمْ وَالَّذِينَ يُؤَدُّونَ رَسُولَ اللَّهِ لَهُمْ
عَذَابٌ أَلِيمٌ ﴿٦١﴾

"دان دانتارا مریک (یغ منافق ایت) اد اورغ
یغ مپاکیتی نبی سمبیل مریک برکات: "بهاوا دی
(نبی محمد) اورغ یغ سوکا مندغر (دان قرچای
قد اف یغ ددغرث)". کاتاکنله: "دی مندغر
(دان قرچای) اف یغ بائق باکی کامو، دی
برایمان کقد الله دان قرچای کقد اورغ مؤمن،
دان ای قولاً منجادی رحمة باکی اورغ یغ
برایمان انتارا کامو". اورغ یغ مپاکیتی رسول
الله ایت، باکی مریک عذاب یغ قدیه".

(التوبة: 61)

بَارَكَ اللَّهُ لِي وَلَكُمْ بِالْقُرْآنِ الْعَظِيمِ،
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ



الْحَكِيمِ وَتَقَبَّلَ مِنِّي وَمِنْكُمْ تِلَاوَتُهُ، إِنَّهُ هُوَ
السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي
وَلَكُمْ وَلِسَائِرِ الْمُسْلِمِينَ وَالْمُسْلِمَاتِ،
فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.



خطبة كدوا

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ
وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ فَقَدْ فَازَ
الْمُتَّقُونَ.

قَالَ اللَّهُ تَعَالَى: إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ
يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا.



اللَّهُمَّ صَلِّ وَسَلِّمْ عَلَى سَيِّدِ الْمُرْسَلِينَ وَارْضَ اللَّهُمَّ
عَنْ أَصْحَابِهِ وَقَرَابَتِهِ وَأَزْوَاجِهِ وَذُرِّيَّاتِهِ أَجْمَعِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ ، إِنَّكَ سَمِيعٌ
قَرِيبٌ مُجِيبُ الدَّعَوَاتِ وَيَا قَاضِيَ الْحَاجَاتِ.

اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ،
وَنَسْأَلُكَ بِأَسْمَائِكَ الْحُسْنَى وَصِفَاتِكَ الْعُظْمَى أَنْ

تَحْفَظَ بَعَيْنِ عِنَايَتِكَ الرَّبَّانِيَّةِ وَبِحِفْظِ وَقَايَتِكَ
الصَّمَدَانِيَّةِ، جَلَالَةَ مَلِكِنَا الْمُعْظَمِ سُلْطَانَ

سَلَاحُورَ، سُلْطَانَ شَرَفِ الدِّينِ ادریس شاه الحاج

ابن المرحوم سُلْطَانَ صَلَاحُ الدِّينِ عبد العزيز شاه

الحاج.



اللَّهُمَّ أَدِمِ الْعُونَ وَالْهُدَايَةَ وَالتَّوْفِيقَ، وَالصِّحَّةَ
وَالسَّلَامَةَ مِنْكَ، لَوْلِيَّ عَهْدِ سَلَاعُورِ، تَعَكُو أَمِيرِ
شَاهِ ابْنِ السُّلْطَانِ شَرَفُ الدِّينِ ادریس شاه
الْحَاجِ فِي أَمْنٍ وَصَلَاحٍ وَعَافِيَةٍ بِمَنِّكَ وَكَرَمِكَ يَا
ذَاجَلَالِ وَالْإِكْرَامِ. اللَّهُمَّ أَطِلْ عُمَرَهُمَا
مُصْلِحِينَ لِلْمُوظَّفِينَ وَالرَّعِيَّةِ وَالْبِلَادِ، وَبَلِّغْ
مَقَاصِدَهُمَا لِطَرِيقِ الْهُدَى وَالرَّشَادِ.

يا الله، اٹکاوله توهن یغ مها بر کواس، کامی
برشکور کحضرتو یغ ملیمقهن رحمة دان
نعمة، سهیغک کامی داقت منروسکن اوسها
کاره ممقرکوکوهکن نکارا اومت اسلام
خصوصن نکری سلاغور، سباکای نکری
ایدامن، ماجو، سجهترا دان بر کباجیقن.



جوسترو کامي قوهون کحضرتو يا الله،
تتفکنله ایمان کامي، تیغتکنله عمل کامي،
کوکوهکنله قرقادوان کامي، مورھکنله رزقي
کامي، تمبهکن کامي دغن علمو دان کماھیرن،
سوبورکنله جیوا کامي دغن اخلاق مولیا،
لیندوغیله کامي درقد اوجینمو یغ برت سقرتی
کماراو قنجغ، بنجیر بسر، وابق قپاکیت،
قرسغکیتان، کمسکینن دان لاءین ۲، سوقایا
هیدوف کامي اکن سنتیاس برتمبه معمور دان
برکة.

يا الله، بوکاکنله هاتي کامي اونتوق
ملقساناکن عبادة زکاة سباکایمان یغ تله اشکاو
فرضوکن. برکتیله هیدوف اورغ یغ ملقساناکن
تونتوتن برزکاة، مپایغی فقیر مسکین. سوچپکنله
هرتا دان جیوا مریک، لیندوغیله کولوغن فقراء



دان مَسَاكِينِ درقد ككفورن دان كفقيرن يَغ
برقنچغن.

دمكين جوا يا الله، تمبه دان لواسكنله رزقي
اورغ يَغ موقفكن هرتاش دنكري اين، ليمقهكنله
نعمة ايمان دان كصيحتن يَغ برقنچغن كقد
مريك، تريماله وقف مريك دغن كنجرن قهالا يَغ
برككن هيغك كهاري اخيرة.

رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا حَسَنَةً
وَفِي الآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ
ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ
وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩﴾



فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُوا لَهُ عَلَىٰ
نِعْمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.